

## STARFSREGLUR OG FRAMKVÆMD

Sveinsprófsnefnd ber ábyrgð á prófbáttalýsingu, skilgreiningu á vægi prófpátta og framkvæmd sveinsprófa.

## KYNNING FYRIR PRÓFTÖKUM

Sveinsprófsnefnd heldur kynningu á framkvæmd og starfsreglum sveinsprófa fyrir próf. Þar fá væntanlegir próftakar allar þær upplýsingar sem þeir þurfa og geta þá lagt fyrir spurningar um þau atriði sem eru óljós. Gott er að vera með dæmi um skriflegt próf við höndina. Próftaki hefur 40 klukkustundir til að taka bæði skriflega og verklega prófið. Sjá nánari lýsingu hér að neðan. Ef próftaki klárar ekki verkið á **fyrrgreindum tíma**

## PRÓFSTAÐUR

Verklegi og skriflegi hluti sveinsprófs í húsgagnasmíði fer fram eftir atvikum í viðeigandi skóla. Sveinsprófstaki fær nánari upplýsingar eigi síðar en þremur vikum fyrir próf.

## AÐSTAÐA

Til að leysa verkefni í sveinsprófi í húsgagnasmíði þarf nemi að hafa viðeigandi verkfæri samkvæmt verkfæralista hverju sinni nema annað sé tekið fram. Sveinsprófsnefnd hefur tekið út aðstöðu og metið að prófaðstaðan sé fullnægjandi. IÐAN fræðslusetur og forsvarsmenn staðar þar sem prófið fer fram hafa gert með sér samning um afnot sveinsprófsnefnda á húsnæði fyrir sveinsprófin.

*Sveinsprófsnefndarmenn eru þeir einu sem hafa heimild til að vera viðstaddir í prófi nema annað sé ákveðið fyrir fram og ber þá að upplýsa próftaka sérstaklega.*

## PRÓFÞÆTTIR OG VÆGI

Vægi prófþátta sveinsprófs í húsgagnasmíði skiptist í eftirfarandi:

- 1) Skriflegt próf 10%;
- 2) Verklegt próf 80%
- 3) Vinnuhraði – frágangur og umgengni 10%
- 4) Litalaganir 10%.

Lágmarkseinkunn fyrir hvern þátt er 5,0.

## SKRIFLEGT PRÓF

Prófið samanstendur af 8–12 spurningum. Ritgerðarspurning má aldrei veða meira en 20% af skriflega prófinu.

Við val á spurningum er leitast við að hafa sem mesta breidd og að þær endurspegli markmið og tilgang námsins. Vægi þátta getur verið misjafnt en hver þáttur má aldrei veða meira en 20%.

Skriflega prófið er tekið eftir aðstæðum miðað við verklegt próf á tilgreindum stað. Prófatími er 120 mínútur nema annað sé tekið fram.

## VERKLEGT PRÓF

Verklegt próf hefst kl. 8:00 og er próftími til kl. 17:00 alla prófdaga. Gert er ráð fyrir klukkutíma í hádegismat alla dagana. Skriflegt próf er tekið eftir ákvörðun prófnefndar og er miðað við þurrk og stöðu í verklegu verkefni. Próftaki skilar verkefninu þannig að það uppfylli skilyrði samkvæmt teikningu hverju sinni. Límbönd eru eingöngu leyfð við vörslu gólfa eða hluta sem þarf að verja en ekki til skurðar. Verklega prófið skiptist í eftirfarandi verkþætti:

### Lýsing á verklegum hluta

Verklega prófið skiptist þannig:

- 1) (10%) Almennir þættir. Almenni þátturinn skiptist í tvo hluta, skipulag (6%) og vélavinna (4%). Við skipulag er lögð áhersla á að próftaki haldi tímamörk og vandi umgengni við úrlausn verkefnisins, skoðaðir eru þættir sem snúa að hreinlæti, skipulagi verkfæra og almennri umgengni. Við vélavinnu er athuguð umgengni við vélar með tilliti til öryggissjónarmiða.
- 2) (10%) Plata. Við smíði plötu eru eftirfarandi þættir skoðaðir sérstaklega; að snið (4%) sé samkvæmt teikningu, horn (3%) séu samkvæmt fyrirmælum á teikningu og pússning (3%) sé framkvæmd eftir viðurkenndum aðferðum.
- 3) (10%) Skápur. Við samsetningu á stykkinu er tekið mið af því að samsetning á baki (5%) og hliðum (5%) sé samkvæmt fyrirmælum á teikningu.
- 4) (25%) Málsetning bak. Við samsetningu skiptir málsetning miklu máli. Hér er málsetning skoðuð sérstaklega og tekið mið af því að hún standist fyrirmæli á teikningu.
- 5) (10%) Fletir eru spónlagðir samkvæmt viðurkenndum aðferðum. Hér er skoðað hvort próftaki velji rétt lím og geti beitt réttum aðferðum við að kantlíma og spónleggja flötinn.

- 6) (15%) Hurð (5%) og skúffa (10%). Í þessum þætti er lögð áhersla á beitingu verkfæra og tækja við smíði og að próftaki geti valið viðeigandi festingar og fylgihluti eftir því sem við á.
- 7) (15%) Stell. Hér skiptir máli hvernig samsetningar (5%) eininga koma saman og öll málsetning þarf að vera samkvæmt fyrirmælum (5%). Einingarnar þurfa að standast þau mál sem upp eru gefin á teikningu svo hægt sé að setja saman stykkið. Yfirborðið (5%) þarf að standast þær kröfur sem gerðar eru í vörulýsingu.

Lágmarkseinkunn í hverjum þætti verklegs prófs er 5,0. Ef próftaki fellur á einum eða fleiri prófþáttum í verklega prófinu má hann þreyta það, þ.e. allt sveinsprófið, aftur næst þegar sveinspróf er haldið. Skriflega prófið er undanþegið þessu, þ.e. ef próftaki fellur á skriflega hlutanum má hann þreyta skriflega prófið næst þegar það er haldið.

## EINKUNNAGJÖF

Einkunn 10 vísar til þess að	95% - 100% markmiða var náð
Einkunn 9 vísar til þess að	85% - 94% markmiða var náð
Einkunn 8 vísar til þess að	75% - 84% markmiða var náð
Einkunn 7 vísar til þess að	65% - 74% markmiða var náð
Einkunn 6 vísar til þess að	55% - 64% markmiða var náð
Einkunn 5 vísar til þess að	45% - 54% markmiða var náð
Einkunn 4 vísar til þess að	35% - 44% markmiða var náð
Einkunn 3 vísar til þess að	25% - 34% markmiða var náð
Einkunn 2 vísar til þess að	15% - 24% markmiða var náð
Einkunn 1 vísar til þess að	0% - 14% markmiða var náð

## SKIL Á EINKUNNUM OG PRÓFSÝNING

Formenn sveinsprófsnefnda skila einkunnum á sveinsprófi til IÐUNNAR ekki seinna en tíu dögum eftir að sveinsprófi lýkur. Próftakar fá niðurstöður sveinsprófa, sveinsbréfabókina, afhenta eigi síðar en 4 vikum eftir að prófið hefur verið haldið. Strax að loknu verklegu prófi fer prófsýningin fram og sveinsprófstaki er upplýstur skriflega um hvort hann hafi náð sveinsprófi eða ekki. Nánari sundurliðun á einkunn liggur ekki fyrir á þeim tíma. Úrlausnir skulu vera tilbúnar eigi síðar en fjórum vikum eftir próf. Sveinsprófstaki getur óskað eftir nánari skýringum á prófverkefninu. Endurtaka er aðeins leyfð á næsta haustannar- eða vorannarprófi.

Sveinsprófsnefnd ber ábyrgð á að sveinsprófsverkefni sé varðveitt með ákveðnum hætti, s.s. eins og með mynd eða öðrum sannanlegum hætti. Skriflegum úrlausnum er eytt á tryggilegan hátt að þeim tíma liðnum og er sveinsprófsnefnd ábyrg fyrir þeirri framkvæmd. Um meðferð kærumála er að ræða gilda reglugerð nr. 698/2009 um sveinspróf.

*Ekki verða veittar upplýsingar um gengi próftaka í prófinu í síma, munnlega eða eftir öðrum leiðum fyrir þann tíma.*

## ALMENNAR REGLUR

- Próftaki skal mæta til prófs á réttum tíma. Minnst 15 mín. fyrir próf.
- Próftaki má hafa með sér gögn og verkfæri sem eru uppgefin í upplýsingabréfi.
- Þurfi próftaki að yfirgefa prófsvæðið á meðan próf stendur yfir skal það gert í samráði við prófdómara.
- Ef próftaki mætir 15 mín. of seint í próf getur hann átt á hættu að vera vísað frá prófi
- Ef um veikindi er að ræða í verklegu prófi verður viðkomandi sveinsprófstaki að bíða þar til næsta próf verður í boði. Sjúkrapróf er í boði fyrir skriflegt próf þremur dögum eftir auglýst próf.
- Ef staðfesting frá viðkomandi framhaldsskóla um námsörðugleika liggur fyrir fær viðkomandi sveinsprófstaki viðbótartíma. Hámark 30 mín. með undantekningum.
- Ef próftaki er haldinn ákveðnum prófkvíða skal hafa samband við náms- og starfsráðgjafa hjá IÐUNNI fræðslusetri við skráningu í sveinspróf.

*Þessar upplýsingar eru birtar með fyrirvara um breytingar.*